

無

腔

村

笛

無腔村笛卷上

錢塘吳振械宜甫

有感而發無聊之思詩所不盡變而爲詞空中綺語
游戲及之自悔其妄人笑其癡南唐北宋匪我所知
牧童橫笛是我之師修餘老人識於花宜館

齊天樂

南湖徐氏酒樓在慧雲寺側倪米樓顏曰華隱
宋芝山爲作圖一時遊讌酬唱最多不及二十
年而湖山詞客十九彫謝況樓中人耶披翫遺
墨因爲此詞

無用木竹
清清冷冷慵擡眼斜陽半樓紅處記說年時香甜酒嫩
儘有銷魂詞句鶯啼甚苦似怨著湖波送將春去春便
重來亂花愁踏寺旁路 調鉛誰寫尺素有風流老輩
多少情緒展卷而今絲絲瘦墨算把春痕留住晴絲漫
舞問翠淺紅深更誰吟佇付與年年杏帘鳩咒雨

南鄉一翦梅

淺絳一重紗窗外春光是別家飛去飛來誰管得一半
桃花一半楊花 草色碧湖斜無分尋春逐鈿車偏是
今年新作客風也多些雨也多些

酷相思

夜夜燈紅花報喜卻都做無情謎待書就鸞箋千字細
墨盡也憑誰寄淚盡也憑誰寄 自把金鈴花下繫舊
日箇銷魂地問何處春濃留客騎花放也人歸未花落
也人歸未

行香子

春日湖上

簾也深深幙也深深露春痕隱約香襟生防汗漬還怯
寒侵怎霎兒晴霎兒雨霎兒陰 花也尋尋柳也尋尋
喚癡魂泥煞春禽相逢那處望斷而今是在湖頭在湖
尾在湖心

摸魚兒

夏松如之盛秋林覓句圖

展新圖問君何事吟身還比秋瘦秋聲刻畫情偏劇只
恐錦囊輕負閒負手料早被連宵風雨催詩久千篇縱
口更喚僕開軒邀僧訂字掃葉煖殘酒紅塵路愧我
車驅馬走霜鞭愁絕時候杖藜苦羨尋秋客吟過菊花
重九君見否已幾樹西風老卻陶家柳歸來賦後揀露
碧霜紅溪山好處詩硯鎮相守

青玉案

爲沈聽篁編修鑠題潘侍御庭筠畫柳用侍御

原韻

玉叉低展絲絲動解畫得春痕重似聽嬌鶯傳脆弄宮
袍腰瘦曉匳眉細對把銀杯鳳時編修攜一妾居京師金溝愧
我疲驢控忍寫風流筆閒弄誤了十年春似夢青青都
盡不如當日傍著靈和種

減字木蘭花

去年今日梅熟爲儂親手摘梅子圓圓酸上心頭又一
年銀榆淚滿水碧如雲流夢遠水又分流除是鴛鴦
不解愁

喝火令

小扇新裁素輕衫薄翦紗貪眠翻怪月難斜耐到畫闌
深處涼意有些些 憐惜愁中我溫存夢裏他驕驄容
易隔天涯只怕來遲只怕路尋差只怕香泥零落燕子
又移家

又

半山舟夜

露草前灣色風蘆兩岸聲夢兒來去隔重城只有兩邊
月色照得最分明 悶看香初燼慵將酒獨傾倚舷回
首不勝情記得春遊記得畫衣輕記得桃花多處船尾
放風箏

摸魚兒

勸紅螺暫醒還醉心情真被春惱東風不管零星恨何
苦馬蹄來早頭怕掉把一片西冷煙水輕拋了吳船信
杳怪蕙炷消春蓮壺怨寂燈蘂夜偏笑頻看取天上
巢痕盡埽驚鴉啼向清曉曾無舊日花枝在別有斬新
花好春易老算是箇元都觀裏人重到絲絲鬢縞臙萍
泊閒身絮飄鄉夢雙袖淚多少

夜合花

庭中夜合一株紅纖翠密姿態嫣然坐月開樽
客愁悵觸因填此闕以遣清宵

牛馬木竹 卷一
細拆輕絨勻描蘸暈茜痕新試明妝瑤房露早買栽正
傍紅牆怯清夕歛微芳寫風流葉葉相當更憐枝底眠
香胡蝶都也成雙 撩人舊事難忘曾是濃薰玉枕嬌
映銀釭春風去也天涯怕著思量鑪欲燼月初涼枉傳
來蠲忿奇方試重拈取絲絲不斷如我柔腸

揚州慢

癸巳仲秋十日至揚州王二允元邀遊城外諸
園亭翠損紅敲增人淒黯旋艤舟平山堂小憩
比歸則涼月滿衣矣

雲瘦流銀水肥圍玉小灣路轉虹橋喚紅闌艤子趁桂

霰初飄只幾處荒亭廢館柳枝何苦猶舞春腰更無人
吟賞青山青到無聊一編畫舫寫當年無限芳韶儘
勝地清樽名姝豔曲都逐煙消最是二分明月無情甚
只送秋潮問閒愁誰會聲聲低訴瓊簫揚州畫舫錄備載圓亭歌舞之盛

金菊對芙蓉

循清涼山之麓至袁氏隨園衰柳淒碧芙蓉作
花感秋氣之甚悲因賦此解

徑溼苔遮籬敲竹護青山影裏開門正霜鐘敲碎蜨魄
鶯魂簾波捲盡恩恩夢騰樓臺峭倚寒雲南朝金粉風

流頓杳未忍重論 多少勝賞琴尊有相公朱蓋弟子
紅裙問蕭然四壁殘墨何存含愁最是空潭水留不住
扇影衫痕衰蕪碧斷可還字字唱出秋墳

園側卽子才先生墓

霓裳中序第一

癸巳中秋僑寓白門僧寺孤鐙坐雨用草窗體

填此闕

蘆綺響瑟瑟亂捲山巾雪溺白齋磬聲中雨急正旅簫
瑩秋龕鐙悽夕孤娥怨寂閉小窗羞照顏色吳郎老在
攜玉斧短夢逗寒碧 遙憶啼痕暗拭定桂院香鬢霧
溼瑤宮仙唱自拍奈枕印難溫被香空浥粉河秋訊隔

又未見紅鱗竟尺重凝華一星愁歛扇底冷螢出

調笑令

江上送客

雙槳雙槳十里東風潮長鷓鴣鷓鴣分飛日暮江南客
歸歸客歸客一劍天涯頭白

摸魚兒

寄張少伯縣丞

看髯龍舞空鱗甲蒼煙簾幙晴灑名園築就歸何日空
占好山無價少伯卜築居巢之東鞭鈍馬歎老矣塵埃
猶自遭訶罵哦松去也任破帙驅蟬小弓射鳴綠捲酒

波瀾 閒時節溪雨峰霞遍烹精妍奚九堪亞寒天捉
筆憑呵凍春意小唇紅借香又炮正門取纖蛾十樣嬌
難畫少伯年過七十而有妾四人君須記者記折柳催歌寄梅通驛
好絹爲儂研時余改官山左行有日矣

減字木蘭花

月兒何意學個人兒眉細細繡被香殘可與天涯一樣
寒 怕人寂寞又怕征程風水惡算著行期聽水聽風
太累伊

三姝媚

得內子書因填此闕寄答

芳叢尋露朵問珊珊何來得卿心可訝瘦憎肥費幾回
商略翠停紅安替訴華年還問取名兒佳麼只欠丹青
描箇真真錦書同裹步步相隨天娜可學得新妝鬢
雲低鞦試問前生是謫從何處玉清因果見面偏遲已
打疊癡情無那但有星星偷染防伊覷我

高陽臺

題姚邦生山水冊子時在濠州

邦生
杭人

帶孔移腰鞦紋皺面兔毛塵影人間洗盡空花雲心水
態俱閒從來一顧難忘處是山光青到杯前最情牽海
上潮生瘦玉浮煙

一圖寫
浮玉山

吟瓢又傍淮南寄

一圖寫
淮上諸

山看劉家雞犬容易成仙桂隱頻招吳船未定歸年西

湖瘦得如盤小蘸晴嵐夢見猶憐一圖寫西湖諸山怪城尖翠

鳳相撩飛向愁邊杭州倚鳳凰山濠州城外山亦名鳳凰

鷓鴣天

癸巳除夕至萊州內子已自沂莒先至

十月輕寒上畫橈怱怱春信轉陽梢分明約看清淮月

不道來聽大海潮山簇簇路迢迢真憐瘦損舊時腰

冰荷雙照休嫌晚留住今年尙一宵

一落索

藤花

桃李開殘芳雨足正垂煙麗殿何人解與細雕成認串
串玲瓏玉竹邊亭子花邊屋鬧蠡聲撲漉闌干四角
紫雲遮不讓出些兒綠

望海潮

猶飈宵鼓腥雲晨裂乘閒散策危亭環珮舞鸞樓臺吐
蜃春匳倒影零星琴罷海山青醉中得奇句吟與龍聽
萬里裘愁暝煙歸路指吳舫羣仙抗手相迎道人間
幾日白髮堪驚香案祕書層城舊事休教冷落緜笙豈
不戀瑤京細算難拋卻柳緒花情且博千場劇飲高枕
看潮生

是日會客蠡勺亭醉中賦此

摸魚兒

乾隆壬子先大夫客游歷下重九日家竹虛履
留宿齋頭先大夫賦七律一章竹虛用詩中滿
頭黃菊且留君句意寫圖以贈桂未谷復未谷
因錄原詩畫端且爲之跋黃小薌畹亦有和作
此幅今在萊州翟文泉進士云升所余官於萊
乃得見之文泉工八分爲未谷入室弟子性喜
莼菊爰賦是解以誌始末且爲我兩人結翰墨
緣也

問晴鷗七橋煙月軒頭名士多少淋漓墨曰無乾日詩

聖畫禪爭妙塵夢杳騰一幅流傳海上吳箋好寒花醉
撈想雨暗霜明天涯九日客枕雁聲早 恩恩甚電影
人間過了生年重數懷悄余生於乾隆壬子滄波沸月珊枝斷
照眼碧芙蓉小萊州有芙蓉島無故老只舊日元亭弟子粗能
曉秋心漫惱趁漉酒巾香墓碑筆健籬下送幽抱

菩薩蠻

芳遊嬾去催金勒春痕只在雕闌側高竹出茶煙燕歸
人未眠 柳顰絲雨濕綠到春無力剡地晚風顛落花
飛上天

賀新涼

花囊

淺碧深紅亞細裝成翠鈿扇

有兩扇合成者

玉絲留罇

有以銀絲

結網者

莫似紫羅輕賂卻應念脂妖粉姹擡起了天街花

價買得枝頭春多少鎖葳蕤未許輕輕謝香百和過檀
麝殘妝不整翻姚冶趁輕颺蘭香澡後嫩涼亭榭睡
思催人鐙影暗瑤佩休教並卸通叩叩芳情先惹乍解
羅襦微聞處正流蘇斗帳垂垂也消受煞此良夜

長亭怨慢

西村梅隱圖方秋白夫人趙湘蘋作也西村近
孤山逋翁詩嘗及之今秋白客山左念泛梗之

無定知牽蘿之有愁出示茲圖依白石體歌此

闕

認何處珠煙籠暝畫出橫斜半湖春影底事拋渠玉龍
吹月夢空省酒瓢驢背歸去也渾難定折寄向東風怕
客帳薰愁偏醒香凝看脂肥墨瘦又帶淚絲紅併盟
花語細怎忘得額鈿妝竟莫待到雪盡山空牘千點香
瘢誰整且典了青琴先製浮家漁艇

木蘭花慢

題詩船送花三百作重陽冊子時同在山左試
院

數天涯節序簪幾度鬢莢紅趁石淨支琴鐙垂罷笛小
飲千鍾叢叢雁霜乍點喚秋光盡向酒邊濃醉舞渾忘
帽落清吟曾遣紗籠 倥傯鳳唳夜堂空酒殘復誰同
怕負他九日描些冷豔添伴高松籬東鶴鉏在否料黃
花盼煞主人翁況有人兒瘦也小簾暮捲西風

憶舊遊

甲午八月二日詩舲招遊明湖涼影萬碧參差
弄晴山光水光渺在煙際回憶戊己之間遊此
屢矣年矢迅激夢痕不留舊時酒人已似落葉
眺望低徊不自知其詞之不能已也

趁晴收葦露靜約蘋風共扣輕舳一曲江南好似江南
畫裏秋老魚天水窗記曾閒眺涼雨鷺鷥肩問斷柳疏
疏漁洋去後曾有誰憐尊前試重認認潑眼湖光寒
碧依然奈是滄浪遂把芙蓉殘夢吹作空煙醉中亂雲
飛盡山也瘦於前解伴我閒愁沙頭月白鷗未眠

無悶

用王中
仙體

松如餉故鄉新茗

秋掩重門人倚隱囊長日瞢騰倦思喜茗串分香故人
題寄乍覺家山在眼認片片春來煙痕翠竹陰小啜泉
寒石瘦做成詩味猶記舊時事有活火新泉共消殘

醉怎寂寞而今一甌孤倚又恐濃斟減睡夢不到君家
門前水且密密香裏紅囊莫惹軟塵些子

月華清

仲甫遊吳中諸山歸以詩寄示

梧苑秋荒蓮涇春杳一筇霞外孤往幾處鐘鯨叩得白
雲都響愜幽賞未倦吟毫紫綺夢忍遲歸榜羅幌有峯
螺分翠箇人眉樣著意藤牋相餉遣萬疊山情到人
心上水遠天長奈是雁魂飄颻指帆影客路仍迷添酒
債舊遊難忘惆悵問梅邊一笛甚時同唱

時余將由
皖赴黔

尉遲杯

用周美
成體

挽小米中翰

閒風景甚轉眼換作悽涼影清襟漫檢題痕多少閒愁

消領親刊小集

嘗刊清尊集

收拾到江湖姓名冷又爭知水

北春寒五更鶻血紅迸

閒中短策招尋憑山展湖檣

遍訪佳勝醉狎穠春花如海當日事花應記省而今便

梅邊譜笛也難喚瑤臺鶴夢醒賸新圖綠鬢風流曲闌

依舊同凭

小米嘗畫東軒吟社圖寫諸同人及余小像其所居湖上數椽曰水北樓

瑣窗寒

崑山王一亭太守女名慧雲適夏參軍榮太守

無嗣旣歿慧雲葬之虎阜旣而隨參軍至皖念

墓祭之無人望故鄉而雪涕因作望雲圖以寫
悲思

畫槩搖春瓊簌鎖恨故鄉拋了吳楓落處隔斷萬重青
峭夢新阡煙霏滿林亂鴉墨陣爭啼曉正畫成慘淡難
收鉛淚鏡菱愁照生小詩情妙記內集曾誇撒鹽不
道如今獨自憶著山猿悲嘯傍清明寒雨未休隻雞斗
酒誰更弔只柔魂化作雲絲遠也飛能到

摸魚兒

暮秋遊大觀亭復至余忠宣公墓下作

指牀頭酒瓶空矣芒屨閒向何處偶然放眼危亭上風

景寂寥如許非故土凝望裏斜陽雁影分吳楚秋絃漫
撫已一片鄉心趁他荻絮飛過射蛟浦茫茫恨世事
滄桑細數江聲淘盡千古一坏蘊碧還無恙知有鬼呵
神護君自苦君不見鞭聲橐橐臣危素捫碑記取正械
械蕭蕭靈旗影裏秋帶晚潮去

滿江紅

龍興寺懷古

天子歸來還戀著舊時齋鉢便題作江山第一梵天宮

闕

山上有明太祖書第一山石刻

小劫易消兵仗雨淺山誰省蛟龍窟

只一生殺戒未曾除難成佛紅篋恨何倉卒南渡事

成消歇抵人間一夢春光一瞥幻影都隨淮水去曉鐘
還打高峯月牘殘僧煮茗款遊人梅花雪

百字令

帆影

暗移沙尾閃晴煙乍遣檣烏驚散隨爾蘋風吹不去比
似溪雲還嬾柳外分明鷗邊滅沒都付斜陽管憑誰收
拾畫船剛泊春岸漫說宮錦新裁迷離遙認空色如
何辨遮住波奩春一段黯黯拖愁成片帶雨還來隨潮
又去飄蕩江湖慣高樓凝望望中天遠人遠

金樓曲

鴈聲

伊軋煙中路記聲聲初離越岸乍經吳渚水膩風柔江南好纔到村橋咽住正悄夜無人私語玉腕吳娘嬌無力只似和著篷窗雨偏省得翦波渡無端送遠催朝暮儘迢迢欺寒犯曉向人如訴驚起鰭前江湖夢恐是孤鳴雁苦便做得淒涼如許愁水愁風愁多少把愁心搖向天涯去孤枕上斷腸處

戀繡衾

重遊桃源洞

東丁巖溜鏘珮環遍空山雲帶曉寒落盡了桃花也賸

蕭蕭疏雨斷猿 薜紋如繡仙扉近問鴻丹何日九還
奈前度漁郎老負盈盈春水一灣

鬲溪梅令

小帆擺雨轉芳津悵臨分從此閒愁閒思攪春雲夢中
春有痕 和風和雨到重門又黃昏可怪斜廊西去悄
無人一燈紅斷魂

小重山

七夕感懷

柳柳銀雲西北流三分梳樣月二分秋犀簾渾不約雙
鈎玲瓏望獨自倚秦篝 靈鵲信悠悠人閒偏不耐別

離愁年時約伴上鍼樓零星話往事怕回頭

齊天樂

秋蝶

南園草色萋迷甚深深暮煙猶見抱葉蟬瘖吟莎蛸老
不似從前池館流光迅轉歎夢裏韶華已成空幻漫撲
闌陰篋中拋冷舊紈扇消磨金粉幾許一生花裏活
空被愁縮小舞還停雙棲縱穩謝客而今吟嬾餘芳弄
晚怕揭得新圖又生悵眷憶煞羅浮畫衣仙路遠

又

秋燕

飄飄已是秋風客紅絲感人離緒故國雲寒空梁月暗
夢裏模糊歸路愁來漫舞賸芳恨絲絲幾回低訴檢點
襟痕杏花曾染社前雨東西重覓侶伴天涯同住久
商略同去掩翠簾櫳飛紅巷陌休戀曾經來處無人自
語甚天氣新涼瘦來如許冷落釵頭畫樓人在否

又

秋鶯

幾家喬木風煙蕭蕭然樹猶如此縷縷金消梭梭翠減
寂寞當時公子虛闌倦倚問何處歌雲暖簫猶膩夢破
遼西一聲愁滿夕陽裏瀛洲芳草綠後那回聽宛轉

宮苑迢遞萬柳搓煙雙柑款月往事都隨流水芳韶盡
矣把一點流黃織成憔悴惱亂詩腸故將商調理

又

秋螢

疏疏梧雨清宵歇閒庭幾重深窈乍點輕衫還依小幔
隱約微光流照煙昏露曉看如此飄零客腸易惱莫向
書幃伴人清坐一星小長門秋更寂寞宮苔人跡斷
涼信偏早畫燭休移晶簾不隔孤影相窺愁悄愁根未
了可記得前生玉階芳草一斛雷塘夢回銅輦杳

菩薩蠻

朦朧倦思殘書掩篋屏燈閃紅星點幾處著思量夜長
愁也長 桐瓢涼露重驚鵲難成夢飛起一聲聲月明
天未明

無腔村笛卷上終

無腔村笛卷下

錢塘吳振棫宜甫

浣溪沙

岸草未彫眠繡鴨
籬花無次鬧秋蟲
枯荷葉葉冷煙中
記夢詩成瓊紙濕
采香人去畫船空
夕陽偏自可憐紅

又

池上煙昏渾欲暮
城中天暖未成霜
柳絲一半是微黃
嬾不登高拋酒盞
倦還思睡就書牀
一簾寒雨做重陽

減字木蘭花

詠菊

疏疏落落除卻陶家詩總惡葉底枝頭雨雨風風領略
秋 秋光最好蝴蝶又驚秋漸老莫更飛颺守著東籬
夢也香

鷓鴣天

獨自簾櫳獨自愁此情誰與訴蟾鈞人間一樣風和露
爭遣天涯簞易秋 清冷處怕開眸晚天花影曝衣樓
紅牆長恁迢迢隔不放銀河到地流

又

倦筆題牋墨不勻
巡廊負手賸微醺
斷霞曳尾紅成縷
芳草齊腰碧似裙
詩硯冷茗鑪溫
夜深蠻笛那堪聞
白楊齋舍廉纖雨
知是秋痕是淚痕

又

望遠何時得展眉
鬢絲蕭瑟怯風吹
生看楊柳真憐汝
便有芙蓉未是媒
羅袖顰玉絃摧懷
人懷夢百千回
曲屏細把瓊籤數
紅燭心長寸寸灰

又

月市星街驟玉驄
舊時名落五陵中
情懷老去蟲含夢
蹤跡新來鶴在籠
今與昔事成空
百年分付酒邊風

寒花自耐冰霜性
嬾炙秦笙唱鬧紅

陌上花

寄懷嘯雲弟重遊蜀中

同騎竹馬門前難忘小時時序

初至蜀時余年十一弟入齡耳

激箭流

光秋滿一梳霜縷蜀絃更譜芙蓉豔
遍寫謝箋愁句問
遨牀可有舊時裙
屐浣花吟侶
渺天涯又春池夢斷

卅六紅鱗還阻兩樣蠻山一樣客
窗情緒得歸那肯蕤
絲負偏惱樓頭鵲語待何年
共向雙橋閒聽梧桐疏雨
弟所居在橫河東西兩橋之間
門前梧桐數本清陰可愛

眉峰碧

側側輕寒送月逗春雲縫花影重重疊疊來直壓得闌
干重 有笛無人弄有酒無人共冷冷清清又一宵亂
山圍住孤鐙夢

眉嬾

玉兔朝元硯倣宋製形正圓高一寸大五寸許
背刻月兔四圍刻乾隆 御銘嘉慶間外舅王
勿庵侍郎官翰林 尙方所賜也甲戌丙子來
歸攜充斂具今三十餘年矣故物猶存芳潔已
杳開匣循視輒爲憮然

記瑤宮初賜玳桺分將新琢嶺雲紫袖裏攜明月殷勤

贈團圓妝鏡相似對吟鳳紙付卅年風雪雲水奈偏是
被墨磨教老黛愁沁螺子彈指光陰如駛自藥娥去
後仙桂寒倚繡纈囊封在瓊簌冷無心重檢眉史翠紋
乍洗更遣誰親捧湘几臘鵲眼依然鎮相對淚痕泚

霜花腴

題仲甫煙波漁唱因憶西溪舊遊

病懷落窶掩故扉青春夢斷槐柯村月窺眠渚雲扶醉
閒塵不上漁簑釣徒自多那似君西塞烟波况新來買
得樵青倚嬌應賽小紅歌猶憶短篷同倚看梅邊雪
外綠染峯螺鴻爪難尋魚鱗難覓西風渺渺關河問來

強哦便乞歸雙鬢先皤算風流二老重來奈他鄰笛何
同遊西溪如書農薌泉
小米蕙窗皆已下世

金縷曲

夜雨浪浪秋暑頓盡同人集虛受堂和喬見齋
中丞作

打稻村村了怕乾晴豆畦菜圃雨來須早一夜淋浪檐
花碎洗盡人間熱惱聽好語田更先道三尺蘆笙豐年
樂趁官閒也合金尊倒秋草徑短奚掃 俸錢月請容
吾老奈吳霜無端著鬢幾絲先縞咳唾九天生珠玉暖
眼能迴枯槁况彩筆爭傳妍妙萬里蠻山登高約買雙

整更覓新詞料休負卻菊花好

轉轡金井

西園石社鑄萬里橋三字不知何時何人所名
也客懷無俚作此解以賦之

船符驢券儘狂遊草草一生蓬轉幾字題橋惱
人心眼風長路短破高浪病懷渾嬾扶杖經過最
憐蛺蝶夢中家遠飛梁粉江古岼記當時送別春
草如翦霜鬢而今更蠻雲愁滿憑欄自遣問何事
六橋歸緩錯擬門前吳船夜泊月明波淺

成都城外萬里橋余嘗至焉杜
句門泊東吳萬里船宋人句

蝶夢中
家萬里

瑣窗寒

蘆笙以竹爲之有長四五尺者黔苗以爲樂具
跳月之夕男吹笙女振鈴以和之相愛慕者遂
爲婚姻習俗然也客窗苦雨忽聞是聲不禁邊
徼之感

五尺娟筠蠻娃舊製箐村攜看參差鳳翅可也十三句
按月朦朧春山踏歌幾枝亂趁喉珠串指瘴雲碧處花
陰鈴語帶羅新換

男女自訂婚盟互贈一
帶謂之換帶苗俗也

悽怨聽難

慣奈一片烏鳥酒邊燭畔羈愁易惹恐是霜蘆哀雁似
琵琶江上乍聞客衣淚濕腸盡斷莫迴思繡幙銀簧月

底嬌驚轉

柳梢青

悄不逢人檐絲蛛小壁篆蝸勻斷樹橋西斜陽無語淡
寫秋痕 亂山不送雙輪但極目江雲海雲昨夢低篷
去尋故渚老盡吳蕪

浣溪沙

鎮日西園鎖寂寥一囊詩瘦半琴焦更誰掐月譜紅簫
淺澱移萍千疊皺疏煙冒竹幾絲消醉扶花影過雙
橋

又

樹繞清池不作行微風吹綠上魚牀獨攜團扇立殘陽
彩袂多情招蛺蝶玉壺無語叩鴛鴦雙葉背影褪秋
裳

一剪梅

江山船

翠鷁江干統羽輕風過灘平雨過山明儂家九姓總娉
婷花是芳名絮是癡情金鳳檀槽夜夜聲新曲還生
舊曲重聽泥人不許數歸程住也難行醉也難醒

摸魚兒

柳阮卽養龍阮隸養龍司去貴陽郡治百里而

近舊產良馬明洪武初夏國主貢馬十其一最
神駿柳阮產也太祖賜名飛越峯金華宋公濂
爲天馬讚述其事甚詳今嶺箐荒涼無復有過
而問焉者塵談偶及遂系以詞

九方皋一人而已人間多少皮相空聞此地誇飛越名
字紫宸親貺奇共賞蹀躞處春風闐闐隨仙仗峯迴徑
枉歎寂寞如今臺荒金盡駿骨更誰訪 蠻村外冷翠
濛濛柳淺翻添遊侶惆悵牛宮豚栅參差處瘦騎病嘶
相向空夢想又怕是圖成錯認蟾蜍樣簫鐃競響問雪
嶺西頭漢家天馬樂府可曾唱

于時西陲不靖方
命大帥出師

尾犯 用柳體

詠雞塲

峯陰雨洗正筠簾新摘暖風村市短抽珎柱圓承珂雪
苔香微綴鼎娥細瀹更不數桑鵝美趁山廚未解清齋
漫誇千蹠豪侈 忽憶前朝催貢看飛擎一騎駛空付
他吟客玉箸金盤淒涼詩史且侑杯中蟻休待到凍香

浮起

又一種名凍
茵味稍次

憐輭玉最稱殘牙未輸蕤葉秋味

潭

張九錫雞塲詩翠籠飛擎驛騎遙中貂分賜笑前朝金
盤玉箸成何事只與山廚伴寂寥自註明熹宗嗜此滇
中歲馳

驛以獻

訴衷情

深院香滿春夢遠起來遲寒側側風色曉鶯知無語畫
簾垂飛飛落花難上枝最愁時

又

亭午微雨春縷縷柳風偏人迹少芳草碧於煙無賴艷
陽天纖纖亂塵棲玉絃又經年

憶舊遊

春日懷故鄉諸友

又吟蘭眷夢洗杏窺妝客瘦春腴不奈紋窗雨聽山禽

雨雨蠻語模糊小洲乍褰芳杜

芳杜洲在貴陽城南

湘瑟怨何如

算看遍芳韶雲香月豔總讓西湖

當初約裙屐認柳

外堤雙花裏山孤定有新遊侶趁初鶯么蝶忙煞工夫
彩毫賦成招隱多謝寄文無只未穩歸期春船慣負雙
玉壺

山亭宴

丁未夏日重遊相寶山僧寺記與雙圍夢韶宴
集於此越四年矣墜歡難續風景頓殊旣深逝
水之嗟彌軫停雲之思

幾峯夢雨吟鶯細勸花前別觴猶記不見倚闌人又頻
換枇杷冷翠隔林清磬慣相招奈塵髮和愁難薙牆角
乍迴看有舊日留題字故人索米去迢遞賦燕雪鳳

城策騎

夢韶官京師

何似賦歸來泛楚月烏篷倦憩

雙圃已歸長沙

蠻花何意苦留人更笑我幾年孤寄莫傍碧溪行怕照
出人憔悴

雙雙燕

用夢窗體

白燕

自王謝後換門巷烏衣舊情休憶春塵不染冷眼似曾
相識溪澌雙雙乍掠便錯認晴鷗顏色昏煙一剪分明
未怕花陰深黑簾隙朧朧月白鷺地乍歸來悄然難
覓梨雲吹夢還戀玳梁春窄秋社光陰近也素心侶如
何拋得誰似玉顏借問漢宮當日

摸魚兒

車旗

讓他人八騶高唱前旌華羽爭豔絕
憐冷落蘆篷上風影也看磨閃裁製儉儘尺布尖尖一角縫來欠濃塗亂
點只路遠天長霜零雨漬幾字墨痕減低迷處要把
階銜細瞰模糊多被塵掩還防沒字翻新樣望眼被伊
掇賺輸畫艦有匆匆丹黃大幅檣梢颭斜暉乍歛正馬
脫愁韁人投倦榻低插認山店

又

車簾

更休論繡紋花蹙雙雙銀押低漾誤將映月留香意移
向客中相傍垂處響怕撲面塵多不肯西風障愁心暗
長總密密遮寒昏昏做暝秋夢幾分釀開眉笑捲起
斜陽一桁霜篷高揭晴爽輸他繡幃嵌雲母絕似小團
月晃相遇倘更隱約仙娥隔箇蓬山想年徂事往只閉
置朝昏飄搖雨雪一片斷魂颺

又

車鞭

記年時寶鞍珠轡珊枝紅瑩曾把瘦篁幾尺憑收拾身
手也誇秋駕工罵馬料得是聞聲局促悲轅下蕭蕭大

野儘急勢駢塵閒情數闔先著那須話聽驪唱贈策
前番恨惹攜來長短相亞大車用鞭一長一短有時袖手渾無用
但遣一梢影挂難忘去聲者是彷彿風荷擺葉涼波盡夫車
用鞭有風擺荷葉之名湖埂去也待賃就驢羈驅將塵柄低叱趁
利社

又

車燈

客衾寒睡何曾著荒雞咿啞啼早高轅人語分脂炬俄
頃遠移官道紅最好似的的城頭欲落春星小煙迷霧
杳正轆轤鳴沙低昂隔樹依約見村堡天涯路莫被

風欺雨鬧紗籠商略低罩添來淡影三分月畫出馬蹄
草草山徑繞又滴盡淒涼蠟淚天難曉羈懷自惱怕簾
竹秋眠釭花夜卜闌夢更悽悄

齊天樂

戍燈

暝暝點點昏鴉外遙憐隔江孤戍短堠分明高旗掩映
正是秋聲來處驚烽罷舉只疏燄搖紅畫烏亭古借與
餘輝馬蹄休錯往來路龍鍾三兩老卒有懸鶉結束
烘蝨情緒上銚斜依蘆簾密障不管風尖月苦還家夢
阻便照盡離愁夢中誰訴似閃秋燐夜深聞鬼語

又

佛燈

諸天照破曇雲外
晚鐘幾聲初緊放
大光明消諸苦惱
智炬原來無盡禪
心靜引任吹動旛
風月仍同印幻影
如如定身須把本
來認年來情燄已
熄對琉璃一椀
趺坐安穩暗壁幢
幢孤龕寂寂又有
殘僧夜趁閒拋未
忍正看到傳燈墜
紅成燼一箇茶毘
錯教人笑哂

又

漁燈

鳴榔聽過汀洲曲
昏黃一星遙睇楚
竹燃餘吳楓落處

幾箇浮家蘆柁呼兒夜起看斜閃沙頭亂搖波底記得
前番冷光鱗板正秋霽仙源何處更問只滄浪一箇
忘了身世蜃臺凝膏烏篷掛影照得衰翁爛醉花開太
喜料舉網明朝玉鱗香膩夢醒霜蓑月釣移舵尾

又

書燈

紙窗竹屋孤吟處年年與儂相伴字細防訛更長易滅
不奈垂垂紅淺纔挑又翦儘低映蟾鉤誤猜螢案乞火
人來曉窗分與碧煙遠千枝春市漫憶只蟬紅蠶綠
憑仗消遣老去昏眸兒時賸味總是難拋夜半寒檠甚

短問富貴誰家冷歆牆畔忽夢瑤宮影
偃蓮炬暖

又

驛柳

前生天上星芒大移根乍添悽悄
慘慘啼鳥荒荒落月盡是天涯懷抱
青青自好問冷眼風塵閱人多少絮
點冥濛馬頭飛逐送春早江潭容易
日暮聽村笳戍角秋信先到野露催
黃驚沙蝕翠萬緒千絲愁繞關河路
杳已笛怨聲聲玉門人老羨煞靈和
御鑪煙細裊

長亭怨慢

己酉正月雪中過灞橋作

亂鴉外昏煙無際卻傍秦川畫輪塵細驛路天長故園
消息有誰寄倦魂無賴閒覓箇瞢騰睡不奈雪和風又
逗弄酸寒詩味 此地縱無人怨別也自惹人清淚長
安近了有多少故宮遺事是那處杜曲樊川只凝望殘
鐘聲裏怕柳意同春愁更絲絲難理

百字令

驪山下華清宮故址

釵鈿賜後正華清微暖凝脂初浴密翫文瑤供奉好不
數長湯十六石白浮蓮塵紅進荔嬌睡春難足霓裳按
舞醉中中使頻促 一自錦襪香消傷心惟有夜雨淋

鈴幽辛苦鴻都癡道士比翼他生未卜筭殿蛩吟梨園
鳥散繡嶺荒雲木空槽泉咽夜深還飲仙鹿

滿江紅

已酉春重至成都作

禿盡吟毫重問到錦江春色是何處玳梁燕子舊曾相
識郫縣酒筭春味短薛家牋樣香痕窄算多情來補海
棠詩當時缺已近了衰孱日還自作羈孤客認渚柳
潭花都迷舊蹟夢趁一江流碧遠淚攪萬樹飛紅急怎
攜家偏傍杜鵑城啼聲切

八聲甘州

得仲甫書并寄李西齋項蓮生二家詞作此答
寄

勸加餐休更憶吳羹殷勤故人書更瓊函雙贈靈芬沁
骨如味雲腴只惜清才侏僂小劫付空虛笙鶴瑤京遠
仙唱今無 欲約煙波漁侶便賃將青舫尋向黃壚歎
年年浪跡鷗夢撇西湖抗緇塵早衙袍笏笑近來吟思
涇寒竽無聊甚草堂微雪梅樹花初

煙波漁唱仲甫所著詞名

清平樂

天涯石在成都東北隅小巷中

謫來星漢莫把支機喚海便枯時不會爛莫遣傷心人

看排來甲乙誰家濛濛活翠苔花我亦思量漱石如
何慣住天涯

慶春宮

簾波

銀押流雲瓊鈞銜月碧痕蕩漾無際吹縐東風千卿何
事慣來低掠燕子看棋心嬾對清簟涼紋似洗斑筠疏
密翦取瀟湘一匳煙翠卻憐屋小於舟吟望空明短
紅闌裏千縷紫迴一重掩映秋影銀河搖碎晚來垂處
有人隔玲瓏悄倚盈盈脈脈微步如仙襪羅塵起

六么令

春日遊薛濤井作

絮交飛處春與綠陰遠嫩煙做晴纔穩趁拍鶯聲短來
拭銀牀碧繡乍冷尋春眼春無人管枇杷花裏漫問詩
家舊庭院幾許清歌嬌語笑侍華燈宴視北小字空
留一霎芳雲散賸有香渟碧注留住情波淺短牋紅膩
露桃偷染憑認東風那人面

濤字慶宏見硯北雜志
蜀中製薛濤箋色甚豔

應天長

蘋花初開妍淨可愛倚闌諷賞頗觸江湖之思
纖莖冒岸疏葉貼波空匳雪影涼聚正是曉煙初散柔
娟倩誰護紅蜓翅飛不去定戀那露香濃處怕零落付

與詩家畧寫秋句 何處最關懷渺渺汀洲吳榜記前
度換了菱謳菱唱清愁又如許無人探空日暮睡夢裏
待尋歸路恁情思沒箇人知憑向鷗語

漢宮春

桐花鳳

何處飛來正青琴鳳奏彈到么絃新桐幾花曉綻香露
杯圓春風嬾娜碧枝枝棲老何年看掌上輕盈瘦燕比
來還讓嬌纖 生小十分憐惜儘釵頭逗豔扇底窺妍
蔥尖對描繡樣碧乳重添芳韶易歇逐秦簫一去如仙
還記取郎情妾意背人呪向花前

漁洋詞妾似桐
花郎似桐花鳳

浪淘沙

歸燕語昏黃
窄地簾長可憐瘦影可憐香
只有幽蘭三兩箭
伴著吟窗
淺笑背銀缸
一半羞郎又催斜月下
迴廊團扇乍拋釵
乍卸天氣新涼

陌上花

圓圓小影二幀在
昆明城西小庵一
內家妝一比邱尼像

將軍萬騎歸來愁煞玉顏難再奪
得春同圓似十分蟾彩盡拋舊院笙歌侶
自埽內家鉛黛問妝樓
牘有畫螺眉樣一峯青在
是何時換三衣
皈佛箇裏傷心誰解

劫冷昆明悟了色天空界一般一樣嬋娟影看作淒涼
桑海這丹青合喚梅村魂返清詞重灑

東風第一枝

黑龍潭唐梅聞三十年前尙存今枯根亦仆矣
甲寅上九命侶往遊惟野梅數十枝爛若晴雪
而已

老鶴招魂仙虬蛻骨一千年後餘恨玉妃消息沈沈怕
向翠禽細問瑤臺夢斷算歷劫情根纔盡最惱人多事
東風又弄另般圈暈 看幾處瘦描畫本偏早有墜香
飄粉嫩寒殘笛高樓譜入漫聲未穩酥融黛注枉學作

唐妝風韻便道是環珮歸來夜月喚誰重認

惜紅衣

蓮笑樓在菜海東花時往遊因賦此解

借樹藏樓披蘆覓岸野風消醉歷歷疏紅鷗邊畫秋意
仙裳縱好偏慣向天涯憔悴休矣最惱客心是聲聲漁
樵花真解笑笑我何癡偷閒老無計魚雙雁隻望斷
故人字幾度柳陰逃暑玉藕香中猶記問一甌今日爭
似碧湖涼味

藕香居吾杭湧金門外茶肆也荷花開時遊人極盛

攤破浣溪沙

花底玲瓏月一窗照人孤影最淒涼偏有惱人紅燭蕊

並頭雙 看盡每憐吳樹遠上樓真恨楚天長病裏心
情愁裏語怕思量

浣溪沙

樓外聲聲夜雁過微風一葉卸庭柯不癡不醉奈愁何
牀上枯琴塵欲滿尊前殘燭淚偏多更無消息問銀
河

風入松

過連理亭有感

斷梢枯翠黯苔紋亭榜只空存舊時鳥亦雙棲慣怪慧
風吹折情根無那梨消殘夢可能梅返香魂 緜緜餘

恨總難論羅襖不勝春籠鞭敲帽秦關去美人雪都帶
愁痕搔首低吟誰覺一天微雨黃昏

無腔村笛卷下終